

Димитрий

Слава тебе, боже наш, слава тебе, боже,
 Яко твоя святая сила ми поможе.
 Сии тебе избранныи яко аз да будут,
 Волю твою творяще, да спасенны будут.
 Луппе, рабе мой верный, се ти ключь вручаю,
 Принеси семо кресты з сокровищ желаю.

Лупп

Кресты имам при себе, что изволиш творити?

Димитрий

д. 14

В знамение христиан хошу положить,
 Примете знамение, на том бог распяты,
 Через то с тем иже на нем спасение дастся.

Вонт

д. 14 об.

Приемлю, лобызаю крест, Христа носящий,
 На кресте распяты будь, мя благословящий.

Бурмистр

Через тя, крест, ни во что мною быти поганы,
 Хошу за Христа умереть с христианы.

Пристав

Благослови и мене крестом сим пречестным.
 Приемлю, лобызаю сердцем ми нелестным,
 Верую и вещаю иста быти бога,
 От него же дается благая премнога.

Димитрий

Слава тебе, господи, аз воздаю славу,
 Яко народ селунский по моему нраву.
 Аз реку: вы братия ми есте и друзи,
 Яко все веровати сущи неупрузи.
 Убо богу нашему славу воздадемо.
 Рцыте убо со мною: Тебе бога хвалим и проч.
 Хвалу воздавши, к святым иконам идемо.
 Тамо бог всемогущий от век видимы,
 Воображении своем всем нам будеш зримы.

Солуняне

Богодуховенно ти что изрече слово
 Сие все сердце наше слышати готово.
 Идем святыи иконы честно почитати,
 Да в чем не погрешим изволь научити.

Димитрий

д. 15

Видите образ бога чрез тройственно лице,
 Иже от православных есть в славе велице,
 Егда бо главы наша иконам скланяем,
 В них истинного бога зрима почитаем.